

նշանին... կանգնեցի զխաչս (Ամենափրկիչ կոչուածը)», որ մի հոյակապ յուշարձան է այս վաստակաւոր մարդու գեղեցկագիտական ճաշակի և հասկացողութեան:

Սաչարձանի բարձրութիւնը յատակից մինչև գագաթը 5,17 մետր է, պատուանդանի լայնութիւնը միջին մասում 1,47. բուն խաչի բարձրութիւնն է 2,17, իսկ լայնքը 1,08 մետր, երեսը դէպի արևմուտք: Ճակատի գարնէզի վերայ ելնդաւոր տառերով գրուած է. «Համբարձաւ ի՞նձ արհնութիւն եւ տը մեր ձայ» . գարնէզի տակ խորաքանդակ. «Արհնեալ են փառք ին ի տեղոյ իւրում»: Սաչելութեան ցուցանիշի ելնդաւոր տառերով մակագրուած է. «սայ է թագաւոր հրէից», իսկ փոսում, ուր վեցթեան սերովբէքն են, արեգակն ու լուսինը: Զորդերի մէջ ելնդաւոր տառերով գրուած է. «սք սք սք ինր գաւրութից» . Յիսուսի գլխին խորաքանդակ՝ «Յն Քն»: Հորիզոնական տախտակի վերայ խորաքանդակ. «ձեռք որ գեթիկինս արարին տարածեցեթ ի խաչիս», տարաբաղդաբար աղօտ դուրս եկած մեր լուսանկարում: Սաչափայտի ներքեի մասում, ուր կանգնած է Յովսէփը, Յիսուսի ոտքերի մօտ խորաքանդակ է. «սք ինձ | սք եւ հգ | աւր սք եւ անմահ որ | խաչեցար ողորմեա ինր Յովանն | իսի» — այս շարունակութիւնը Գողգոթայի բլրի կիսաշրջանի վերայ ելնդաւոր — «ին ստացողի սմա ամեն» . վերջին բառը զարձեալ խորաքանդակ:

Սմբանկարի կեդրոնը խաչեցեալի պատկերն է, մակերևոյթից քիչ դուրս ընկած, բայց ոչ մարմնաւորած, այլ հարթ. ձեռքերը գամուած են, թեւերը քիչ ձկուած և գլուխը դէպի աջ թեքուած: Մագերը ալիքած և, գանգուր, երկու խոպոպներով իջնում են ձախ ուսի վերայ, թուխ ներկուած. միւրուքը բոլորակ խուզուած: Ամօթանքի ծածկոյթը, որ իջնում է մինչև օտները, գորշ է: Ոտները մեխուած են իրար հակառակ ուղղութեամբ, կրունկներն իրար կողքի: Սաչն իրանից պատուանդան ունի, որի վերայ «սք աստուած»ն էր գրուած, եւ հաստատուած կիսաշրջանաձև Գողգոթայի բլրի վերայ, որի տակ եռամասնեայ կամար և վերին ճակատի կամարի տակ Ագամի գլուխը. կամարների գաշաը արմաւենիկի գարգերով ծածկուած: Սաչի վերին և հո-

րիզոնական թեւերը խաչաձև վերջաւորութիւն ունին:

Սաչի հորիզոնական թեւերի տակ կանգնած են՝ աջից Մարիամ և ձախից Յովհաննէս<sup>(1)</sup>. Մարիամ ձախ ձեռքը դրել է կրծքին, իսկ աջն առաջ մեկնել, երեսը քիչ վեր, աչքերը դէպի հեռուն սեւեռած և ոչ դէպի որդին: Քիթը կոտրած է: Գլխի լաչակը ճակատին և ուսերի վերայ ծալքերով, իսկ կրկնոցը ուսերի վրայից առաջին մասում իջնում է մինչև ծնկները, յետևից աւելի երկար և վերից վար ծալքաւորած: Ամբողջ Ֆիգուրը մակերևոյթից քիչ դուրս է ընկած, բայց ոչ մարմնաւորած, այլ հարթաքանդակ: Յովհաննէսը մի ձեռքը ծնուտին, միւսը կրծքին, թուում է փաթոյթ բռնած. միւրուքի և բերանի մօտ քիչ վրնասուած է: Հագել է երկար պարեգօտ և վերայից տունիկայ ձգել: Մարիամից ցած խաչի պատուանդանի մօտ կանգնած է Յովսէփ Արեմաթացին, գօտեւորած պարեգօտով, գօտու կապերը կախուած. միւս կողմից չոքել է նիկողիմոս, մի ձեռքին ունելիք, բեռն է կամենում հանել, իսկ միւսը քիչ վեր բարձրացրած: Նիկողիմոսի միւրուքը երկար է և ներկած, իսկ Յովսէփինը բոլորակ, խուզած:

Սաչի հորիզոնական թեւերից ցած, խաչքարի երկու կողերի վերայ վեց վեց Ֆիգուրներ կան, ձեռքերը բաց, աղօթողի գիրքով, որ 12 առաքեալներն են, կեցուածքի և դէմքերի տարբեր ձևերով և արտայայտութիւններով:

Սաչի հորիզոնական թեւերից վեր, աջից ճառագայթներով սկաւառակի մէջ արեգակ, իսկ ձախից լուսին, նրանց տակը մի մի քառաթև քերովբէ, իսկ կողերից մի մի կանգնած Ֆիգուր, ձեռքներն իրար մօտ, ինչպէս առաքեալներինն էր, դէմքերը նայողին դարձրած: Ներկած են եղել զգեստները, բայց այժմ խոնացած. ձախ Ֆիգուրի սոգան կարմրաւուն է, միւրուքը քիչ թուխ: Աւետարանիչների ներկայացուցիչներն են զրանք: Սաչելութեան ամբողջ մակերևոյթը, Ֆիգուրներից վատ, զարգարուած են արմաւենիկի և բուսական մոտիւներով:

(1) Երզնկեան (եր. 42) կարծում է Մարիամ Մագդաղեմացին է. նոյն սխալը կրկնում է Ե. Լալայեան. Ազգ. Հանդ. VII. եւ VIII 405: